

**Date – 30/06/2026**

**Time - 18:30 -18:40Hrs**

**AKASHVANI AIZAWL**  
**REGIONAL NEWS BULLETIN**  
**HEADLINES ( EVENING )**

1. Remna Ni vawi 40-na chu state chhung hmung hrang hrangah hman a ni.
2. MNF leh India sawrkar inremna thuthlung ziaktu zinga dam awmchhun Pu Lalkhama chuan Mizoram Peace Accord chu Remna tluantling awm tlem te zinga mi a ni a ti.
3. Prime Minister Narendra Modia chuan vawiin khan Hul Diwas pualin Tribal mi hmingthate hriatrengna a hlan
4. Vawiin atangin Delhi, Karnataka, Meghalaya, Maharastra leh Jharkhand ah Special Intensive Revision of Electoral Roll tan a ni.

<><><>

## REMNA NI

Remna Ni vawi 40 na vawiin khan Mizo Zirlai Pawl buatsaihin Aizawlah hun hman a ni a,

Home Minister Pu K Sapdanga'n he hun hi hmanpuiin, Mizoramin Remna a chan theihna turin sakhaw puithiamten an thawh hlawk hle a, remna a awm theihna tura ralthuam tungdinga lo pen chhuak MNF te leh an lo pen chhuahna tur kawng sialsak a, lalthutthleng kiantu, khatih hunlaia Chief Minister Pu Lalthanhawla inpekna te chu an chawimawi takzet tih a sawi.

Byte: K sapdanga

He hunah hian MZP President Dr. C. Lalremruata pawhin thu sawiin, remna chu a hlu a, a ti chhetu ni lova, a chawinungtu leh hmasawnna dik tak thlentu a nih zel theih nan remna leh muanna vawng nung zel turin Mizo mipuite a sawm a, Political Party te pawh Remna Ni chu a hrang hranga hmang lo turin an ngen tih a sawi bawk a ni.

Byte: MZP President Dr. C. Lalremruata

He hunah hian khuallian Home Minister Pu K. Sapsanga leh MZP OB ten Remna Ni puanzar pawt pharhin, Synod Moderator Rev. John Raldosanga'n hunserh a hmang a. Khuallian chuan Souvenir a tlangzarh a, remna a thlen theihna atana thawkrim tak, Rev. Dr. CL Hminga hnenah chawimawina hlan a ni bawk.

Kan corr report ngaithla ang.

VC

*Remna Ni lawm chungchangah hian sorkarna fawng vuantu political party a zirin a changin lawm a ni a, a changin lawm a ni ngai lo a, hemi chungchangah hian MZP chuan Remna Ni hi lawm ngei tha a tih avangin kum 2018 atang khan Remna Ni lawmna hi an kutken taa, sorkarin a tul angin a pui thin a ni.*

*Remna Ni pual hian Larsap General (Rtd) Vijay Kumar Singh, Chief Minister Pu Lalduhoma, MNF President Pu*

*Zoramthanga leh Chief Minister hlui Pu Lal Thanhawla te chuan Mizoram mipuite chibai an buk a, remna thuantling neih a hlutzia leh chhawmnun a nih zel theih an duh hle tih an sawi a ni.*

Kum 1986 June ni 30-a MNF leh India sawrkar inremna thuthlung ziaktu zinga dam awmchhun Pu Lalkhama chuan Mizoram Peace Accord chu Remna thuantling awm tlem te zinga mi a ni a ti.

Kan corr report ngaithla ang.

VC

*Remna Ni pualin RNU chuan Pu Lalkhama a kawm a, Pu Lalkhama hi Mizoram Remna ziaktu zinga dam awmchhun a ni.*

*Pu Lalkhama chuan kum 20 chhung zet rambuaia an awm hnuah Mizoramin remna thuantling a nei thei chu a lawmawm hle tih sawiin Mizoram Peace Accord chu Mizorama tana beiseina eng leh midangte tan pawha khawnvar anga chiang taka hmuh theih beiseina eng leh entawn tur, Remna thuantling awm tlem te zinga mi ani a ti a, Remna nei tura mipuite inpekna a ropui thu sawiin mi tin duhthusam a thleng tih a sawi.*

### ***Byte of Pu Lalkhama***

*Kum 1986 June ni 30-a MNF leh India sawrkarin inremna an neih theih nan Pu Lalkhama hian a hun leh tha tam tak a seng a, kum tam tak chhung inbiakna kalin hengah hian Lalkhama hi MNF leh India sawrkar inbiakna ah palai hna thawkin a hun tam zawk chu an inbiakrem theih nan a hmang a, Remna thuthlung 'The Mizoram Peace Accord 1986' chu amah leh MNF hotu Pu Laldenga bakah India sawrkara Home Secretary RD Pradhan ten an zia a, Remna Thuthlung ziaktu Pu Laldenga leh RD Pradhan hi an boral tawh a, Pu Lalkhama hi Mizoram Remna ziaktu zinga dam awmchhun a ni.*

**(Desk : Isaac)**

**(CORR Maremi )**

<><><>

## REMNA NI-POL PARTIES

'Remna Ni' vawi 40-na chu Mizoram hmun hrang hrangah MNF hruaituten urhsun takin an hmang a.

Tawi East & West Block huaihawta Thingsulthiah Community Hall-a hman puitu President Pu Zoramthanga chuan MNF leh India inremna chu inremna zawnga hlawhtling ber, hunin a finfiah tawh niin, a rei tulh tulh ang a, a hlutna a zual zel dawn a ni," a ti.

Pu Zoramthanga chuan, Inremna avanga an hlawh chhuah - Mizoram Special Provision Article 371G chelek a ngaih hunah tak, ZPM Sorkarin hmang ngam lova FCAA 2023 pumpui an pawm fai vek mai kha Mizoram chhunga Mizote thuneihna Central Sorkar kuta hlanna dik tak, Mizoram leh Mizo hnam tan thil pawl tak a ni a, thangtharte tan pawh a la pawl dawn chauh a ni, a ti.

Mizo Hnam Run Aizawla hmannaah Senior Vice President Dr.R.Lalthangliana chuan, tuna remna ni hman mek chu chawlh lawkna a ni a, ram changkang zawkte angin hnam hmangaihna tak tak thinlung nen Economic Independent an sual leh mek a ni a ti a, mahni ke a ding thei turin intodelh a ngai a ti bawk.

Tukin khan MNF Treasurer Pu Lalruatkima hovin Luangmuala Remna Run Luangmualah zalenna sual kum 60 tlin lawmna pualin thing an phun bawk a, MNF Party hruaitu dang te pawhin hun hrang hrang an hmanpui a ni.

Congress party chuan vawiin khan Aizawl Congress Bhavan Golden Hall ah 'Remna Ni' an hmang a.

He hunah hian MPCC President Lal Thanzara chuan thu sawiin, Remna leh muanna a awm theih nana hmalak a nih mek lai khan India ramah Congress a sorkar a hetiang hun hman a ni ta a ni a ti a. Khatihlai khan Mizoramah Pu Lal Thanhawla kaihhruai sorkar awm lo se chuan remna leh muanna a thlen a beiseiawm loh tih sawiin. Mizo mipui tawngtaina, kohhran hruaitute hmalakna, pawl hrang hrang leh zirlai te leh party te hmalakna avangin remna leh muanna a awm thei a ni a ti.

MPCC Secy Pu DR Zirliana, zalenna suala lo rammu tawh pawhin thu sawiin, India ram chanchin sawi dawn chuan Congress tel lovin a sawi theih loh va, chutiang chiah chuan Mizorama remna leh muanna chungchang sawi chuan Mizoram Congress leh a hruaitute tel lo chuan sawi theih a ni lo a ti a. Political party dang te, kohhran te, Zirlai pawlte leh YMA lamte pawhin remna leh muanna atan an bei ang a, mahse remna atana inbiak nan te hmasawnna tak tak leh a lo thlen tak dante sawi dawn chuan Congress leh hruaitute hming lam lo chuan a sawi theih loh a ni. a ti.

Mizorama sorkar lai mek ZPM party te hi Forest (Conservation) Amendment Act an adopt avangin Mizoram peace Accord bawhchhe hmasa ber an ni tih a sawi a ni.

**(Corr: Johnny)**

<><><>

**REMNA NI DISTRICTS**

India sorkar leh MNF inremna kum 40na pualin vawiin khan Siaha ah chuan Maraland Revival Organising Committee (MROC) huaihawtin Siaha khawpui chhung hmun thum ah "Ram tana tan tawngtaina" nilenga hun hman a ni.

Tawngtaina hi MROC hruaituten kaihruaiin ECM Revival Speaker leh kohhran dang speaker ten pathian thuchah tawi an sawi a, ECM choir leh zaithiam dang ten hun an hmang bawk. Bethany kohhran - mi 250, Siahatla kohhran ah mi 133 leh Imanuel Kohhran, Meisatla ah tawngtaia kalkhawm mi 183, an vaiin 566 an ni.

Tawngtai thupui hrang hrang Lawmthu sawina, sual thupha chawina, inhlan tharna, ram leh khawtlang hruaitu, Sorkar hnathawk, NGO, ruihhlo ngai, home leh Jail tang thawktu leh thupui dang te hmangin nilengin tawngtaina an nei a ni.

**(Cza Siaha PTC)**

<><><>

## LAWNGTLAI

Kaladan Multi Modal Transit Transport Project (KMMTTP) NH-502 'A' kawngpuia chatuan leimin chu vawiin khan Lawngtlai bawrhsap leh Chairperson, District Disaster Management Authority (DDMA) nibawk Pu Donny Lalruatsanga kaihhruaiin District Disaster Management Authority (DDMA) ten an enfiah a.

Pu Donny Lalruatsanga chuan kumin bikah pawh vawi tam tak leimin vanga mipuiten harsatna an tawh thinah chak taka hmalak zel a nih thu a tarlang a. Kawngpui pawimawh tak, khaw tam takin ei leh bar an lakluha leh sumdawnna kawngpui pawimawh tak a nih angin, kawng a tlang that a tul hle a ti a. KMTTP kawngpui chu nakum maia hawn tur a nih angin, Ministry of Road Transport and Highways (MoRTH) kaltlanga 'Relair & Maintenance' hnathawk tur Company - te pawh tihfel tep a nih tawh thu sawiin, thlanfel a nih hunah harsatna tam tak sutkian a ni ang a ti.

Bawrhsap chuan ruahtui a tla tam dawn chauh a, hemi a nih vang hian kawngpui enkawltu te inralrin reng a pawimawh hle tiin, a bik takin KMMTP enkawltu PWD (Multi Modal Project Division) ten theihtawp an chhuah thin a, hmalam hunah pawh mipuiten harsatna an tawh lohna tura thahnem ngai taka thawk chhuak zel turin a chah a. Fur ruahtui tlak nasat avangin hmun hrang hrangah leimin a thleng thei reng tih sawiin, Pu Donny Lalruatsanga chuan DDMA Member- te chu inralring reng turin a chah nghal bawh a ni.

Chatuan leimin hi 400 M vela sei a nih thu leh kum tinin a thenfai hna an thawh thin a ni a. Kumin bikah tum- 7 lai kawngpui tihtlang hna an lo thawh tawh thu PWD- hotute chuan an sawi a, mipuite harsatna sukiang tura an awm reng thu an tarlang a ni.

**(Lalngheta Lawngtlai PTC)**

<><><>

## PMAY

Sorkar laipuiin insak tanpuina a siam- PMAY chu thenawm state zawng zawngah a thawh thumna an sem zawh tawh laia Mizoram chu a thawh khatnaah a la tang mek a, Mizoram sorkar chu theihtawp chhuah tura a duh thu BJP Mizoram state media convener Pu Johny Lalthanpuia chuan a sawi.

Akashvani News Aizawl-in a kawmnaah, Pu Johny Lalthanpuia chuan central scheme hrang hrangte chu India khua leh tui an nihna anga an chanvo a nih laiin, Mizo mipuiten an hriat tawh loh avanga an chan tur an hloh a tam hle a ti a. State sorkar pawhin central sorkar chawilar emaw tihhmingthat a tum emaw tih turin mipui hriatah a puangzar lo nia a hriat thu a sawi a. Central scheme tangkai tak tak te chu mipui tam zawkin an lo chhawr theih nan state sorkar chu tun aia nasa zawka central scheme hrang hrangte mipui hriata puangzar thin tura a duh thu a sawi.

Pu Johny-a chuan sorkar laipuiin insak tanpuina a siam- Housing for all, PMAY chu thenawm state zawng zawngah third phase an sem zawh tawh laiin Mizoramah chuan a thawh khatna an la kalpui mek chauh a ti a. PM scheme hrim hrim ngaihpawimawhna Mizoram mipuiten an tlakchham chhan chu state sorkar mawhphurhna nia a hriat thu a sawi a, Mizoram sorkar chu mipui tana ding an nih angin rawngbawlina rilru pu in theihtawp chhuah turin a chah a ni.

Byte: BJP Media convener Johny

Corr: Maremi

<><><>

## **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh [newsonair.gov.in](http://newsonair.gov.in) ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan vawiin khan Hul Diwas pualin Tribal mi hmingthate hriatrengna a hlan. Pu Modia hian ramdang awpna dodaltute Sidho-Kanhu, Chand-Bhairav, Phulo-Jhano leh tribal mi huaisen dangte pualin social media kaltlangin zahna a hlan a. Ram tana an nun an hlanna chu tribal hnamte huaisen zia leh ropui zia tilangtu a ni a ti a. An chanchin chuan ramchhunga khua leh tui tinte a la kaihhruai chhunzawm zel thu sawiin chakna thar a pe zel a ni a ti.

(Newsonair)



SIR

Vawiin atangin Delhi, Karnataka, Meghalaya, Maharastra leh Jharkhand ah Special Intensive Revision of Electoral Roll tan a ni a. Delhi ah chuan Booth Level Officer mi sing 1 leh sang 3 chaung ten thlaleh ni 29 thleng chenna in tin tlawh chhuakin enumeration form an sem dawn a ni. Delhi Chief Electoral Officer Ashok Kumar chuan vawiin khan chanchinbumite kawmin electoral roll chungchanga siamthat tur nei tan August August ni atanga September ni 4 inkar chhung hun hawn a ni dawn a ti a. Final Electoral roll chu October ni 7 ah tihchhuah a ni ang a ti bawk.

Karnataka ah chuan BLA 59,000 ten enumeration form semin vawiin atangin chenna in tin an tlawh tan bawk a ni.

(Newsonair)

